

新校
鐫訂
詩
經
上

第59

219

W 23305/22

詩傳序

或有問於予曰詩何為而作也予應之曰人生而靜天之性也感於物而動性之欲也夫既有欲矣則不能無思既有思矣則不能無言既有言矣則言之所不能盡而發於咨嗟咏歎之餘者必有自然之音響節奏而不能已焉此詩之所以作也曰然則其所以教者何也曰詩者人心之感物而形於言之餘也心之所感有邪正故言之所形有是非惟聖人在上則其所感者無不正而其言皆足以為教其或感之之雜而所發不能無可擇者則上之必思所以自反而因有以勸懲之是亦所以為教也昔周盛時

詩經序

上自郊廟朝廷而下達於鄉黨閭巷其言粹然無不出於
正者聖人固已協之聲律而用之鄉人用之邦國以化天
下至於列國之詩則天子巡守亦必陳而觀之以行黜陟
之典降自昭穆而後寢以陵夷至於東遷而遂廢不講矣
孔子生於其時既不得位無以行勸懲黜陟之政於是特
舉其籍而討論之去其重複正其紛亂而其善之不足以
爲法惡之不足以爲戒者則亦刊而去之以從簡約示久
遠使夫學者卽是而有以考其得失善者師之而惡者改
焉是以其政雖不足以行於一時而其教實被於萬世是
則詩之所以爲教者然也曰然則國風雅頌之體其不同

若是何也曰吾聞之凡詩之所謂風者多出於里巷歌謠
之作所謂男女相與詠歌各言其情者也唯周南召南親
被文王之化以成德而人皆有以得其性情之正故其發
於言者樂而不過於淫哀而不及於傷是以二篇獨爲風
詩之正經自邶而下則其國之治亂不同人之賢否亦異
其所感而發者有邪正是非之不齊而所謂先王之風者
於此焉變矣若夫雅頌之篇則皆成周之世朝廷郊廟樂
歌之詞其語和而莊其義寬而密其作者往往聖人之徒
固所以爲萬世法程而不可易者也至於雅之變者亦皆
一時賢人君子閱時病俗之所爲而聖人取之其忠厚惻

怛之心陳善閔邪之意尤非後世能言之士所能及之此
 詩之為經所以人事決於下天道備於上而無一理之不
 具也曰然則其學之也當奈何曰本二南以求其端參之
 列國以盡其變正之於雅以大其規和之於頌以要其止
 此學詩之大旨也於是乎章句以綱之訓詁以紀之諷詠
 以昌之涵濡以躰之察之情性隱微之間審之言行樞機
 之始則脩身及家平均天下之道其亦不他求而得之於
 此矣問者唯唯而退余時方輯詩傳因悉次是語以冠其
 篇云淳熙四年丁酉冬十月戊子新安朱熹書

國風一

周南一之一

關關雎鳩在河之洲窈窕淑女君子好逑○參差荇菜左
 右流之窈窕淑女寤寐求之求之不得寤寐思服悠哉悠
 哉輾轉反側○參差荇菜左右采之窈窕淑女琴瑟友之
 參差荇菜左右芼之窈窕淑女鐘鼓樂之

關雎三章一章四句二章章八句

葛之覃兮施中谷維葉萋萋黃鳥于飛集于灌木其鳴喈
 喈○葛之覃兮施于中谷維葉莫莫是刈是穫為絺為綌
 服之無斁○言告師氏言告言歸薄汙我私薄澣我衣

漸害否歸寧父母

葛覃三章章六句

采采卷耳不盈頃筐嗟我懷人寘彼周行○陟彼崔嵬我馬虺隤我姑酌彼金罍維以不永懷○陟彼高岡我馬玄黃我姑酌彼兕觥維以不永傷○陟彼砠矣我馬瘠矣我僕痛矣云何吁矣

卷耳四章章四句

南有樛木葛藟荒之樂只君子福履綏之○南有樛木葛藟荒之樂只君子福履將之○南有樛木葛藟荒之樂只君子福履成之

樛木三章章四句

螽斯羽詵詵兮宜爾子孫振振兮○螽斯羽薨薨兮宜爾子孫繩繩兮○螽斯羽緝緝兮宜爾子孫蟄蟄兮

螽斯三章章四句

桃之夭夭灼灼其華之子于歸宜其室家○桃之夭夭有其實之子于歸宜其家室○桃之夭夭其葉蓁蓁之子于歸宜其家人

桃夭三章章四句

肅肅兔置椽之丁丁赳赳武夫公侯于城○肅肅兔置施于中逵赳赳武夫公侯好仇○肅肅兔置施于中林赳赳武夫公侯腹心

兔置三章章四句

采采芣苢薄言采之采采芣苢薄言有之○采采芣苢薄言擷之采采芣苢薄言將之○采采芣苢薄言結之采采芣苢薄言禰之

芣苢三章章四句

南有喬水不可休息漢有游女不可求思漢之廣矣不可泳思江之永矣不可方思○翹翹錯薪言刈其楚之子于歸言秣其馬漢之廣矣不可泳思江之永矣不可方思○翹翹錯薪言刈其蕞之子于歸言秣其駒漢之廣矣不可泳思江之永矣不可方思

漢廣三章章八句

遵彼汝墳伐其條枚未見君子惄如調飢○遵彼汝墳伐其條肆既見君子不我遐棄○魴魚鱗尾王室如燬雖則如燬父母孔迺

汝墳三章章四句

麟之趾振振公子于嗟麟兮○麟之定振振公姓于嗟麟兮○麟之角振振公族于嗟麟兮

麟之趾三章章三句

召南一之二

維鵲有巢維鳩居之之子于歸百兩御之○維鵲有巢維

鳩方之之子于歸百兩將之○維鵲有巢維鳩盈之之子于歸百兩成之

鵲巢三章章四句

于以采芣于沼于沚于以用之公侯之事○于以采芣于澗之中于以用之公侯之宮○被之僮僮夙夜在公被之祁祁薄言還歸

采芣三章章四句

嘒嘒草蟲趨趨阜螽未見君子憂心忡忡亦既見止亦既覯止我心則降○陟彼南山言采其蕨未見君子憂心惓惓亦既見止亦既覯止我心則說○陟彼南山言采其薇

未見君子我心傷悲亦既見止亦既覯止我心則夷

草蟲三章章七句

于以采蘋南澗之濱于以采藻于彼行潦○于以盛之維筐及筥于以湘之維錡及釜○于以奠之宗室牖下誰其尸之有齊季女

采蘋三章章四句

蔽芾甘棠勿剪勿伐召伯所茇○蔽芾甘棠勿剪勿敗召伯所憩○蔽芾甘棠勿剪勿拜召伯所說

甘棠三章章三句

厭浥行露豈不夙夜謂行多露○誰謂雀無角何以穿我

屋誰謂女無家何以速我獄雖速我獄室家不足○誰謂
鼠無牙何以穿我墉誰謂女無家何以速我訟雖速我訟
亦不女從

行露三章一章三句二章章六句

羔羊之皮素絲五紕退食自公委蛇委蛇○羔羊之革素
絲五紕委蛇委蛇自公退食○羔羊之縫素絲五總委蛇
委蛇退食自公

羔羊三章章四句

殷其雷在南山之陽何斯違斯莫敢或遑振振君子歸哉
歸哉○殷其雷在南山之側何斯違斯莫敢遑息振振君

子歸哉歸哉○殷其雷在南山之下何斯違斯莫或遑處
振振君子歸哉歸哉

殷其雷三章章六句

標有梅其實七兮求我庶士迨其吉兮○標有梅其實三
兮求我庶士迨其今兮○標有梅墳筐壘之求我庶士迨
其謂之

標有梅三章章四句

嘒彼小星三五在東肅肅宵征夙夜在公寔命不同○嘒
彼小星維參與昴肅肅宵征抱衾與裯寔命不猶

小星二章章五句

江有汜之子歸不我以不我以其後也悔○江有渚之子歸不我與不我與其後也處○江有沱之子歸不我過不我過其嘯也歌

江有汜三章章五句

野有死麕白茅包之有女懷春吉士誘之○林有樛櫨野有死鹿白茅束有女如玉○舒而脫脫兮無感我悅兮無使虜也吠

野有死麕三章二章章四句一章三句

何彼穠矣唐棣之華曷不肅離王姬之車○何彼穠矣華如桃李平王之孫齊侯之子○其釣維何維絲伊緝齊侯

之子平王之孫

何彼穠矣三章章四句

彼茁者葭壹發五豝于嗟乎騶虞○彼茁者蓬壹發五豝于嗟乎騶虞

騶虞二章章三句

邶一之三

汎彼柏舟亦汎其流耿耿不寢如有隱憂微我無酒以敖以遊○我心匪鑿不可以茹亦有兄弟不可以據薄言往愬逢彼之怒○我心匪石不可轉也我心匪席不可卷也威儀棣棣不可選也○憂心悄悄愠于群小覲閔既多受

悔不少靜言思之寤辟有標○日居月諸胡迭而微心之
憂矣如匪澣衣靜言思之不能奮飛

柏舟五章章六句

綠兮衣兮綠衣黃裏心之憂矣曷維其已○綠兮衣兮綠
衣黃裳心之憂矣曷維其亡○綠兮絲兮女所治兮我思
古人俾無訛兮○緜兮綌兮淒其以風我思古人實獲我心

綠衣四章章四句

燕燕于飛差池其羽之子于歸遠送于野瞻望弗及泣涕
如雨○燕燕于飛頡之頡之子于歸遠于將之瞻望弗
及佇立以泣○燕燕于飛下上其音之子于歸遠送于南

瞻望弗及實勞我心○仲氏任只其心塞淵終温且惠淑
慎其身先君之思以最寡人

燕燕四章章六句

日居月諸照臨下土乃如之人兮逝不古處胡能有定寧
不我顧○日居月諸下土是冒乃如之人兮逝不相好胡
能有定寧不我報○日居月諸出自東方乃如之人兮德
音無良胡能有定俾也可忘○日居月諸東方自出父兮
母兮畜我不卒胡能有定報我不述

日月四章章六句

終風且暴顧我則笑謔浪笑敖中心是悼○終風且霾惠

然肯來莫往莫來悠悠我思○終風且曠不日有曠寤言
不寐願言則嚏○曠曠其陰虺虺其雷寤言不寐願言則懷

終風四章章四句

擊鼓其鏜闐躍用兵土國城漕我獨南行○從孫子仲平
陳與宋不我以歸憂心有忡○爰居爰處爰喪其馬于以
求之于林之下○死生契闊與子成說執子之手與子偕
老○于嗟闊兮不我活兮于嗟洵兮不我信兮

擊鼓五章章四句

凱風自南吹彼棘心棘心夭夭母氏劬勞○凱風自南吹
彼棘薪母氏聖善我無令人○爰有寒泉在浚之下有子

七人母氏勞苦○覲皖黃鳥載好其音有子七人莫慰母心

凱風四章章四句

雄雉于飛泄泄其羽我之懷矣自詒伊阻○雄雉于飛下
上其音展矣君子實勞我心○瞻彼日月悠悠我思道之
云遠曷云能來○百爾君子不知德行不忒不求何用不臧

雄雉四章章四句

匏有苦葉濟有深涉深則厲淺則揭○有彌濟盈有鷺雉
鳴濟盈不濡軌雉鳴求其牡○雝雝鳴鴈旭日始且士如
歸妻迨冰未泮○招招舟子人涉卬否人涉卬否須我友

匏有苦葉四章章四句

習習谷風以陰以雨黽勉同心不宜有怒采芣采菲無以
 下體德音莫違及爾同死○行道遲遲中心有違不遠伊
 邇薄送我畿誰謂荼苦其甘如薺宴爾新昏如兄如弟
 涇以渭濁湜湜其沚宴爾新昏不我屑以毋逝我梁毋發
 我笱我躬不閱遑恤我後○就其深矣方之舟之就其淺
 矣泳之游之何有亡電勉求之凡民有喪匍匐救之○
 不我能備反以我為讎既阻我德賈用不售昔育恐育鞠
 及爾顛覆既生既育比予于毒○我有旨蓄亦以御冬宴
 爾新昏以我御窮有洸有潰既詒我肄不念昔者伊余來暨
 谷風六章章八句

式微式微胡不歸微君之故胡為乎中露○式微式微胡
 不歸微君之躬胡為乎泥中

式微二章章四句

旄丘之葛兮何誕之節兮叔兮伯兮何多日也○何其處
 也必有與也何其久也必有以也○狐裘蒙戎匪車不東
 叔兮伯兮靡所與同○瑣兮尾兮流離之子叔兮伯兮褻
 如充耳

旄丘四章章四句

簡兮簡兮方將萬舞日之方中在前上處○碩人俱俱公
 庭萬舞有力如虎執轡如組○左手執籥右手秉翟赫如

渥赭公言錫爵○山有榛隰有苓云誰之思西方美人彼
美人兮西方之人兮

簡兮四章三章章四句一章六句

恣彼泉水亦流于淇有懷于衛靡日不思變彼諸姬聊與
之謀○出宿于泂飲餞于禰女子有行遠父母兄弟問我
諸姑遂及伯姊○出宿于干飲餞于言載脂載牽還車言
邁遄臻于衛不瑕有害○我思肥泉茲之永歎思須與漕
我心悠悠駕言出遊以寫我憂

泉水四章章六句

出自北門憂心殷殷終窶且貧莫知我艱已焉哉天實為

之謂之何哉○王事適我政事一埤益我我入自外室人

交徧謫我已焉哉天實為之謂之何哉○王事敦我政事

一埤遺我我入自外室人交徧摧我已焉哉天實為之謂

之何哉

北門三章章七句

北風其涼雨雪其雩惠而好我攜手同行其虛其邪既亟

只且○北風其嗜雨雪其霏惠而好我攜手同歸其虛其

邪既亟只且○莫赤匪狐莫黑匪烏惠而好我攜手同車

其虛其邪既亟只且

北風三章章六句

靜女其姝俟我於城隅愛而不見搔首踟躕○靜女其變
貽我彤管彤管有煒說懌女美○自牧歸黃洵美且異匪
女之為美美人之貽

靜女三章章四句

新臺有泚河水瀰瀰燕婉之求蘧條不鮮○新臺有洒河
水浼浼燕婉之求蘧條不殄○魚網之設鴻則離之燕婉
之求得此戚施

新臺三章章四句

二子乘舟汎汎其景願言思子中心養養○二子乘舟汎
汎其逝願言思子不瑕有害

二子乘舟二章章四句

鄘一之四

汎彼柏舟在彼中河髡彼兩髦實維我儀之死矢靡他母
也天只不諒人只○汎彼柏舟在彼河側髡彼兩髦實維
我特之死矢靡慝母也天只不諒人只

柏舟二章章七句

牆有茨不可束也中冓之言不可道也所可道也言之醜
也○牆有茨不可棄也中冓之言不可詳也所可詳也言
之長也○牆有茨不可束也中冓之言不可讀也所可讀
也言之辱也

牆有茨三章章六句

君子偕老副笄六珈委委佗佗如山如河象服是宜子之不淑云如之何○玼兮玼兮其之翟也鬢髮如雲不屑髻也玉之瑱也象之掬也揚且之皙也胡然而天也胡然而帝也○嗟兮嗟兮其之展也蒙彼細絺是繼袷也子之清揚揚且之顏也展如之人兮邦之媛也

君子偕老三章一章七句一章九句一章八句

爰采唐矣沫之鄉矣云誰之思美孟姜矣期我乎桑中要我乎上宮送我乎淇之上矣○爰采麥矣沫之北矣云誰之思美孟弋矣期我乎桑中要我乎上宮送我乎淇之上矣

矣○爰采葑矣沫之東矣云誰之思美孟庸矣期我乎桑中要我乎上宮送我乎淇之上矣

桑中三章章七句

鶉之奔奔鶉之疆疆人之無良我以爲兄○鶉之疆疆鶉之奔奔人之無良我以爲君

鶉之奔奔二章章四句

定之方中作于楚宮揆之以日作于楚室樹之榛栗椅桐梓漆爰伐琴瑟○升彼虛矣以望楚矣望楚與堂景山與京降觀于桑卜云其吉終焉允臧○靈雨旣零命彼信人星言夙駕說于桑田匪直也人秉心塞淵騶牝三千

定之方中三章章七句

蠨蛸在東莫之敢指女子有行遠父母兄弟○朝濟于西
崇朝其雨女子有行遠兄弟父母○乃如之人也懷昏姻
也大無信也不知命也

蠨蛸三章章四句

相鼠有皮人而無儀人而無儀不死何為○相鼠有齒人
而無止人而無止不死何侯○相鼠有體人而無禮人而
無禮胡不遄死

相鼠三章章四句

子子千旌在浚之郊素絲紕之良馬四之彼姝者子何以

界之○子子千旌在浚之都素絲組之良馬五之彼姝者

子何以予之○子子千旌在浚之城素絲祝之良馬六之

彼姝者子何以告之

千旌三章章六句

載馳載驅歸唁衛侯驅馬悠悠言至於漕大夫跋涉我心

則憂○既不我嘉不能旋反視爾不臧我思不遠既不我

嘉不能旋濟視爾不臧我思不闕○陟彼阿丘言采其蠶

女子善懷亦各有行許人尤之衆穉且狂○我行其野芄

芄其麥控于大邦誰因誰極大夫君子無我有尤百爾所

思不如我所之

載馳四章二章章六句二章章八句

衛一之五

瞻彼淇奧綠竹猗猗有匪君子如切如磋如琢如磨瑟兮
 僖兮赫兮咺兮有匪君子終不可諛兮○瞻彼淇奧綠竹
 青青有匪君子充其琇瑩會弁如星瑟兮僖兮赫兮咺兮
 有匪君子終不可諛兮○瞻彼淇奧綠竹如簟有匪君子
 如金如錫如圭如璧寬兮綽兮猗重較兮善戲謔兮不爲
 虐兮

淇奧三章章九句

考槃在側碩人之寬獨寐寤言永矢弗諼○考槃在阿碩
 人之邁獨寐寤歌永矢弗過○考槃在陸碩人之軸獨寐
 寤宿永矢弗告

考槃三章章四句

碩人其頤衣錦褰衣齊侯之子衛侯之妻東宮之妹邢侯
 之姨譚公維私○手如柔荑膚如凝脂領如蝤蛸齒如瓠
 犀螭首蛾眉巧笑倩兮美目盼兮○碩人敖敖說于農郊
 四牡有騶朱幘鑣鑣翟弗以朝大夫夙退無使君勞○河
 水洋洋北流活活施施汎汎鱣鮪發發葭葦揭揭庶姜孽
 孽庶士有暵

碩人四章章七句

氓之蚩蚩抱布貿絲匪來貿絲來即我謀送子涉淇至于
 頓丘匪我愆期子無良媒將子無怒秋以為期○乘彼坳
 垣以望復關不見復關泣涕漣漣既見復關載笑載言爾
 卜爾筮體無咎言以爾車來以我賄遷○桑之未落其葉
 沃若于嗟鳩兮無食桑甚于嗟女兮無與士耽士之耽兮
 猶可說也女之耽兮不可說也○桑之落矣其黃而隕自
 我徂爾三歲食貧淇水湯湯漸車帷裳女也不爽士貳其
 行士也罔極二三其德○三歲為婦靡室勞矣夙興夜寐
 靡有朝矣言既遂矣至于暴矣兄弟不知咥其笑矣靜言
 思之躬自悼矣○及爾偕老老使我怨淇則有岸隰則有
 泮總角之宴言笑晏晏信誓旦旦不思其反反是不思亦
 已焉哉

氓六章章十句

籊籊竹竿以釣于淇豈不爾思遠莫致之○泉源在左淇
 水在右女子有行遠父母兄弟○淇水在右泉源在左巧
 笑之瑳佩玉之儺○淇水滌滌檜楫松舟駕言出遊以寫
 我憂

竹竿四章章四句

芄蘭之支童子佩觿雖則佩觿能不我知容兮遂兮垂帶
 綉兮○芄蘭之葉童子佩鞶雖則佩鞶能不我甲容兮遂

兮垂帶慟兮

芄蘭二章章六句

誰謂河廣一葦杭之誰謂宋遠跂予望之○誰謂河廣曾不容刀誰謂宋遠曾不崇朝

河廣二章章四句

伯兮揭兮邦之桀兮伯也執殳為王前驅○自伯之東首如飛蓬豈無膏沐誰適為容○其雨其雨杲杲出日願言思伯甘心首疾○焉得諉草言樹之背願言思伯使我心痠

伯兮四章章四句

有狐綏綏在彼淇梁心之憂矣之子無裳○有狐綏綏在彼淇厲心之憂矣之子無帶○有狐綏綏在彼淇側心之憂矣之子無服

有狐三章章四句

投我以木瓜報之以瓊瑤匪報也永以為好也○投我以木桃報之以瓊瑤匪報也永以為好也○投我以木李報之以瓊玖匪報也永以為好也

木瓜三章章四句

王之一之六

彼黍離離彼稷之苗行邁靡靡中心搖搖知我者謂我心憂不知我者謂我何求悠悠蒼天此何人哉○彼黍離離

彼稷之穗行邁靡靡中心如醉知我者謂我心憂不知我者謂我何求悠悠蒼天此何人哉○彼黍離離彼稷之實行邁靡靡中心如噎知我者謂我心憂不知我者謂我何求悠悠蒼天此何人哉

黍離三章章十句

君子于役不知其期曷至哉雞棲于埘日之夕矣牛羊下來君子于役如之何勿思○君子于役不日不月曷其有佻雞棲于桀日之夕矣牛羊下括君子于役苟無飢渴○

君子于役二章章八句

君子陽陽左執簧右招我由房其樂只且○君子陶陶左執翫右招我由敖其樂只且

君子陽陽二章章四句

揚之水不流束薪彼其之子不與我成申懷哉懷哉曷月予還歸哉○揚之水不流束楚彼其之子不與我成甫懷哉懷哉曷月予還歸哉○揚之水不流束蒲彼其之子不與我成許懷哉懷哉曷月予還歸哉

揚之水三章章六句

中谷有蓷嘆其乾矣有女此離嘒其嘆矣嘒其嘆矣遇人之艱難矣○中谷有蓷嘆其脩矣有女此離條其歎矣條其歎矣遇人之不淑矣○中谷有蓷嘆其濕矣有女此離

啜其泣矣啜其泣矣何嗟及矣

中谷有蕓三章章六句

有兗爰爰雉離于羅我生之初尚無爲我生之後逢此百
罹尚寐無吽○有兗爰爰雉離于罔我生之初尚無造我
生之後逢此百憂尚寐無覺○有兗爰爰雉離于置我生
之初尚無庸我生之後逢此百凶尚寐無聰

鬼爰三章章七句

葛藟葛藟在河之滸終遠兄弟謂他人父亦莫
我顧○縣縣葛藟在河之浹終遠兄弟謂他人母謂他人
母亦莫我有○縣縣葛藟在河之濬終遠兄弟謂他人昆

謂他人昆亦莫我聞

葛藟三章章六句

彼采葛兮一日不見如三月兮○彼采蕭兮一
日不見如三秋兮○彼采艾兮一日不見如三
歲兮

采葛三章章三句

大車檻檻毳衣如綈豈不爾思畏子不敢○大車噶噶
衣如璊豈不爾思畏子不奔○穀則異室死則同穴謂予
不信有如皦日

大車三章章四句

丘中有麻彼留子嗟彼留子嗟將其來施施○丘中有麥
彼留子國彼留子國將其來食○丘中有李彼留之子彼
留之子貽我佩玖

丘中有麻三章章四句

鄭一之七

緇衣之宜兮敝予又改為兮適子之館兮還予授子之祭
兮○緇衣之好兮敝予又改造兮適子之館兮還予授子
之祭兮○緇衣之蓆兮敝予又改作兮適子之館兮還予
授子祭兮

緇衣三章章四句

將仲子兮無踰我里無折我樹杞豈敢愛之畏我父母仲
可懷也父母之言亦可畏也○將仲子兮無踰我牆無折
我樹桑豈敢愛之畏我諸兄仲可懷也諸兄之言亦可畏
也○將仲子兮無踰我園無折我樹檀豈敢愛之畏人之
多言仲可懷也人之多言亦可畏也

將仲子三章章八句

叔于田巷無居人豈無居人不如叔也洵美且仁○叔于
狩巷無飲酒豈無飲酒不如叔也洵美且好○叔適野巷
無服馬豈無服馬不如叔也洵美且武

叔于田三章章五句

叔于田乘乘馬執轡如組兩駟如舞叔在藪火烈具舉禮
勗暴虎獻于公所將叔無徂戒其傷女○叔于田乘乘黃
兩服上襄兩駟鴈行叔在藪火烈具揚叔善射忌又良御
忌抑磬控忌抑縱送忌○叔于田乘乘鴝兩服齊首兩駟
如手叔在藪火烈具阜叔馬慢忌叔發罕忌抑釋柵忌抑
鬯弓忌

大叔于田三章章十句

清人在彭駟介旁旁二矛重英河上乎翱翔○清人在消
駟介庶庶二矛重喬河上乎逍遙○清人在軸駟介陶陶
左旋右抽中軍作好

清人三章章四句

羔裘如濡洵直且侯彼其之子舍命不渝○羔裘豹飾孔
武有力彼其之子邦之司直○羔裘晏兮三英粲兮彼其
之子邦之彥兮

羔裘三章章四句

遵大路兮摻執子之祛兮無我惡兮不寔故也○遵大路
兮摻執子之手兮無我讒兮不寔好也

遵大路二章章四句

女曰雞鳴士曰昧且子與視夜明星有爛將翱將翔弋鳧
與鴈○弋言加之與子宜之宜言飲酒與子偕老琴瑟在

御莫不靜好○知子之來之雜佩以贈之知子之順之雜佩以問之知子之好之雜佩以報之

女曰雞鳴三章章六句

有女同車顏如舜華將翱將翔佩玉瓊琚彼美孟姜洵美且都○有女同行顏如舜英將翱將翔佩玉將將彼美孟姜德音不忘

有女同車二章章六句

山有扶蘇隰有荷華不見子都乃見狂且○山有橋松隰有游龍不見子充乃見狡童

山有扶蘇二章章四句

蔣兮蔣兮風其吹女叔兮伯兮倡予和女○蔣兮蔣兮風其漂女叔兮伯兮倡予要女

蔣兮二章章四句

彼狡童兮不與我言兮維子之故使我不能餐兮○彼狡童兮不與我食兮維子之故使我不能息兮

狡童二章章四句

子惠思我褰裳涉溱子不我思豈無他人狂童之狂也且○子惠思我褰裳涉洧子不我思豈無他士狂童之狂也且

褰裳二章章五句

子之手兮俟我乎巷兮悔予不送兮○子之昌兮俟我乎

堂兮悔予不將兮○衣錦褻衣裳錦褻裳叔兮伯兮駕予
與行○裳錦褻裳衣錦褻衣叔兮伯兮駕予與歸

丰四章二章章五句二章章四句

東門之墀茹蘆在阪其室則通其人甚遠○東門之栗有
踐家室豈不爾思予不我即

東門之墀二章章四句

風雨淒淒雞鳴喑喑既見君子云胡不夷○風雨瀟瀟雞
鳴膠膠既見君子云胡不瘳○風雨如晦雞鳴不已既見
君子云胡不喜

風雨三章章四句

青青子衿悠悠我心縱我不往子寧不嗣音○青青子佩
悠悠我思縱我不往子寧不來○挑兮達兮在城闕兮一
日不見如三月兮

子衿三章章四句

揚之水不流束楚終鮮兄弟維予與女無信人之言人實
廷女○揚之水不流束薪終鮮兄弟維予二人無信人之
言人實不信

揚之水二章章六句

出其東門有女如雲雖則如雲匪我思存縞衣綦巾聊樂
我員○出其闔閭有女如荼雖則如荼匪我思且縞衣茹

蘆聊可與娛

出其東門二章章六句

野有蔓草零露漙漙兮有美一人清揚婉兮邂逅相遇適我願兮○野有蔓草零露瀼瀼有美一人婉如清揚邂逅相遇與子偕臧

野有蔓草二章章六句

溱與洧方渙渙兮士與女方秉簡兮女曰觀乎士曰既且且往觀乎洧之外洵訏且樂維士與女伊其相謔贈之以勺藥○溱與洧瀏其清矣士與女殷其盈矣女曰觀乎士曰既且且往觀乎洧之外洵訏且樂維士與女伊其將謔贈之以勺藥

溱洧二章章十二句

齊一之八

雞既鳴矣朝既盈矣匪雞則鳴蒼蠅之聲○東方明矣朝既昌矣匪東方則明月出之光○蟲飛薨薨甘與子同夢會且歸矣無庶予子憎

雞鳴三章章四句

子之遷兮遭我乎徂之間兮並驅從兩肩兮揖我謂我儂兮○子之茂兮遭我乎徂之道兮並驅從兩牡兮揖我謂我好兮○子之昌兮遭我乎徂之陽兮並驅從兩狼兮揖

我謂我臧兮

還三章章四句

俟我於著乎而充耳以素乎而尚之以瓊華乎而○俟我於庭乎而充耳以青乎而尚之以瓊瑩乎而○俟我於堂乎而充耳以黃乎而尚之以瓊英乎而

著三章章三句

東方之日兮彼姝者子在我室兮在我室兮履我即兮○東方之月兮彼姝者子在我闥兮在我闥兮履我發兮○

東方之日二章章五句

東方未明顛倒衣裳顛之倒之自公召之○東未晞顛倒裳衣倒之顛之自公令之○折柳樊圃狂夫瞿瞿不能晨夜不夙則莫

東方未明三章章四句

南山崔崔雄狐綏綏魯道有蕩齊子由歸既曰歸止曷又懷止○葛屨五兩冠綏雙止魯道有蕩齊子庸止既曰庸止曷又從止○藝麻如之何衡從其畝取妻如之何必告父母既曰告止曷又鞠止○折薪如之何匪斧不克取妻如之何匪媒不得既曰得止曷又極止

南山四章章六句

無田甫田維莠騫騫無思遠人勞心忉忉○無田甫田維

秀榮榮無思遠人勞心怛怛○婉兮變兮總角卅兮未幾見兮突而弁兮

甫田三章章四句

盧令令其人美且仁○盧重環其人美且鬢○盧重鋠其人美且偲

盧令三章章二句

敝笱在梁其魚魴鰈齊子歸止其從如雲○敝笱在梁其魚魴鰈齊子歸止其從如雨○敝笱在梁其魚唯唯齊子歸止其從如水

敝笱三章章四句

載驅薄薄簟第朱轡魯道有蕩齊子發夕○四驥濟濟垂轡瀾瀾魯道有蕩齊子豈弟○汶水湯湯行人彭彭魯道有蕩齊子翱翔○汶水滔滔行人儻儻魯道有蕩齊子遊敖

載驅四章章四句

猗嗟昌兮頰而長兮抑若揚兮美目揚兮巧趨踰兮射則臧兮○猗嗟名兮美目清兮儀既成兮終日射侯不出正兮展我甥兮○猗嗟兮清揚婉兮舞則選兮射則貫兮四矢反兮以禦亂兮

猗嗟三章章六句

魏一之九

糾糾葛屨可以履霜摻摻女手可以縫裳要之棘之好人服之○好人提提宛然左辟佩其象揅維是褊心是以爲刺

葛屨二章一章六句一章五句

彼汾沮洳言采其莫彼其之子美無度美無度殊異乎公路○彼汾一方言采其桑彼其之子美如英美如英殊異乎公行○彼汾一曲言采其蕢彼其之子美如玉美如玉殊異乎公族

汾沮洳三章章六句

園有桃其實之殺心之憂矣我歌且謠不知我者謂我士也驕彼人是哉子曰何其心之憂矣其誰知之其誰知之蓋亦勿思○園有棘其實之食心之憂矣聊以行國不知我者謂我士也罔極彼人是哉子曰何其心之憂矣其誰知之其誰知之蓋亦勿思

園有桃二章章十二句

陟彼岵兮瞻望父兮父曰嗟予子行役夙夜無已上慎旃哉猶來無止○陟彼屺兮瞻望母兮母曰嗟予季行役夙夜無寐上慎旃哉猶來無棄○陟彼岡兮瞻望兄兮兄曰嗟予弟行役夙夜必偕上慎旃哉猶來無死

陟岵三章章六句

十畝之間兮桑者閑閑兮行與子還兮○十畝之外兮桑

者泄泄兮行與子逝兮

十畝之間二章章三句

坎坎伐檀兮寘之河之干兮河水清且漣漪不稼不穡胡取禾三百廬兮不狩不獵胡瞻爾庭有縣緇兮彼君子兮不素餐兮○坎坎伐輻兮寘之河之側兮河水清且直猗不稼不穡胡取禾三百億兮不狩不獵胡瞻爾庭有縣特兮彼君子兮不素食兮○坎坎伐輪兮寘之河之滑兮河水清且淪漪不稼不穡胡取禾三百困兮不狩不獵胡瞻爾庭有縣鷄兮彼君子兮不素殮兮

伐檀三章章九句

碩鼠碩鼠無食我黍三歲貫女莫我肯顧逝將去女適彼樂土樂土樂土爰得我所○碩鼠碩鼠無食我麥三歲貫女莫我肯德逝將去女適彼樂國樂國樂國爰得我直○碩鼠碩鼠無食我苗三歲貫女莫我肯勞逝將去女適彼樂郊樂郊樂郊維之永號

碩鼠三章章八句

唐一之十

蟋蟀在堂歲聿其莫今我不樂日月其除無已大康職思其居好樂無荒良士瞿瞿○蟋蟀在堂歲聿其逝今我不樂日月其邁無已大康職思其外好樂無荒良士蹶蹶○

蟋蟀在堂役車其休今我不樂日月其慆無已大康職思其憂好樂無荒良士休休

蟋蟀三章章八句

山有樞隰有榆子有衣裳弗曳弗婁子有車馬弗馳弗驅宛其死矣他人是愉○山有栲隰有杻子有廷內弗洒弗婦子有鐘鼓弗鼓弗考宛其死矣他人是保○山有漆隰有栗子有酒食何不日鼓瑟且以喜樂且以永日宛其死矣他人入室

山有樞三章章八句

揚之水白石鑿鑿素衣朱襮從子于沃既見君子云何不

樂○揚之水白石皓皓素衣朱繡從子于鵠既見君子云

何其憂○揚之水白石粼粼我聞有命不敢以告人

揚之水三章章六句一章四句

椒聊之實蕃衍盈升彼其之子碩大無朋椒聊且遠條且

○椒聊之實蕃衍盈躬彼其之子碩大且篤椒聊且遠條且

椒聊二章章六句

綢繆束薪三星在天今夕何夕見此良人子兮子兮如此

良人何○綢繆束芻三星在隅今夕何夕見此邂逅子兮

子兮如此邂逅何○綢繆束楚三星在戶今夕何夕見此

祭者子兮子兮如此祭者何

綱繆三章章六句

有_{アリ}杖_{テイタル}之_ト杜_{ソノ}其_{シヨク}葉_{タリ}涓_{ヒトリ}涓_{ヒトリ}獨_ク行_{タリ}踽_ア踽_ニ豈_ナ無_{カラ}他_タ人_シ不_ス如_シ我_ワ同_ト父_フ嗟_ア行_ミ之_ノ人_{ヒト}胡_{ナン}不_サ比_ス焉_ケ人_{ヒト}無_ナ兄_{ケイ}弟_{テイ}胡_{ナン}不_サ依_ス焉_ケ○有_{アリ}杖_{テイタル}之_ト杜_{ソノ}其_{シヨク}葉_{タリ}菁_ヒ菁_ヒ獨_ク行_{タリ}眾_ア眾_ニ豈_ナ無_{カラ}他_タ人_シ不_ス如_シ我_ワ同_ト姓_{セイ}嗟_ア行_ミ之_ノ人_{ヒト}胡_{ナン}不_サ比_ス焉_ケ人_{ヒト}無_ナ兄_{ケイ}弟_{テイ}胡_{ナン}不_サ依_ス焉_ケ

杖杜二章章九句

羔_{コウ}裘_{キウ}約_{ヘク}祛_{キヨ}自_{ヨリ}我_ワ人_{ヒト}居_{キヨク}居_ア豈_ナ無_{カラ}他_タ人_シ維_{コレ}子_シ之_ノ故_ケ○羔_{コウ}裘_{キウ}豹_{ヘク}裘_{シウ}自_{ヨリ}我_ワ人_{ヒト}究_{キウ}究_ク豈_ナ無_{カラ}他_タ人_シ維_{コレ}子_シ之_ノ好_{コト}

羔裘二章章四句

肅_{シク}肅_ク鵙_ニ羽_ウ集_ト于_ニ苞_{ハウ}栩_ク王_{ワウ}事_シ靡_ナ盥_{モロキ}不_ス能_ハ執_ウ稷_{シヨク}黍_{シヨク}父_フ母_ボ何_{ナニ}怙_カ悠_ウ悠_ウ蒼_{サウ}天_{テン}曷_カ其_キ有_ユ所_ス○肅_{シク}肅_ク鵙_ニ翼_ウ集_ト于_ニ苞_{ハウ}棘_{キツ}王_{ワウ}事_シ靡_ナ盥_{モロキ}不_ス能_ハ執_ウ黍_{シヨク}稷_{シヨク}父_フ母_ボ何_{ナニ}怙_カ悠_ウ悠_ウ蒼_{サウ}天_{テン}曷_カ其_キ有_ユ極_{キョク}○肅_{シク}肅_ク鵙_ニ行_ウ集_ト于_ニ苞_{ハウ}桑_{ソウ}王_{ワウ}事_シ靡_ナ盥_{モロキ}不_ス能_ハ執_ウ稻_{ニョウ}梁_{リョウ}父_フ母_ボ何_{ナニ}嘗_{シヤウ}悠_ウ悠_ウ蒼_{サウ}天_{テン}曷_カ其_キ有_ユ常_{ジョウ}

鵙羽三章章七句

豈_ア曰_ニ無_ム衣_イ七_シ兮_ヨ不_ス如_シ子_シ之_ノ衣_イ安_{ヤス}且_カ吉_{キチ}兮_ヨ○豈_ア曰_ニ無_ム衣_イ六_{ロク}兮_ヨ不_ス如_シ子_シ之_ノ衣_イ安_{ヤス}且_カ煖_{ナン}兮_ヨ

無衣二章章三句

有_{アリ}杖_{テイタル}之_ト杜_{ソノ}生_セ于_ニ道_{ミチ}左_サ彼_{カノ}君_{クニ}子_シ兮_ヨ嚙_{コニ}肯_ア適_テ我_ワ中_{チュウ}心_{シン}好_{ヨミ}之_ノ曷_{ナニ}飲_{イン}食_{シク}之_ヲ○有_{アリ}杖_{テイタル}之_ト杜_{ソノ}生_セ于_ニ道_{ミチ}周_{シュウ}彼_{カノ}君_{クニ}子_シ兮_ヨ嚙_{コニ}肯_ア來_キ遊_ユ中_{チュウ}心_{シン}好_{ヨミ}之_ノ曷_{ナニ}飲_{イン}食_{シク}之_ヲ

有杖之杜二章章六句

葛生蒙楚蔚蔓于野予美亡此誰與獨處○葛生蒙棘蔚蔓于域予美亡此誰與獨息○角枕粲兮錦衾爛兮予美亡此誰與獨且○夏之日冬之夜百歲之後歸于其室○冬之夜夏之日百歲之後歸于其室

葛生五章章四句

采芩采芩首陽之巔人之為言苟無信舍旃舍旃苟亦無然人之為言胡得焉○采苦采苦首陽之下人之為言苟亦無與舍旃舍旃苟亦無然人之為言胡得焉○采葑采葑首陽之東人之為言苟亦無從舍旃舍旃苟亦無然人之為言胡得焉

之為言胡得焉

采芩三章章八句

秦一之十一

有車鄰鄰有馬白顛未見君子寺人之令○阪有漆隰有栗既見君子並坐鼓瑟今者不樂逝者其耄○阪有桑隰有楊既見君子並坐鼓簧今者不樂逝者其亡

車鄰三章一章四句二章章六句

駟騏孔阜六轡在手公之媚子從公于狩○奉時辰牡辰

牡孔碩公曰左之舍拔則獲○遊于北園四馬既閑輶車

鸞鑣載獫歇駟

駟賦三章章四句

小戎伐收五桑梁輶游環脅驅陰鞞塗續文茵鴨轂駕我
騏驎言念君子温其如玉在其板屋亂我心曲○四牡孔
阜六轡在手騏驎是中駟驪是驂龍盾之合塗以饋輶言
念君子温其在邑方何為期胡然我念之○伐駟孔群公
矛塗錚蒙伐有苑虎韞鏤膺交鞞二弓竹閉緄勝言念君
子載寢載興厭厭良人秩秩德音

小戎三章章十句

蒹葭蒼蒼白露為霜所謂伊人在水一方邈邈從之道阻
且長邈游從之宛在水中央○蒹葭淒淒白露未晞所謂
伊人在水之湄邈邈從之道阻且躋邈游從之宛在水中
坻○蒹葭采采白露未已所謂伊人在水之涘邈邈從之
道阻且右邈游從之宛在水中沚

蒹葭三章章八句

終南何有有條有梅君子至止錦衣狐裘顏如渥丹其君
也哉○終南何有有紀有堂君子至止黻衣繡裳佩玉將
將壽考不忘

終南二章章六句

交交黃鳥止于棘誰從穆公子車奄息維此奄息百夫之
特臨其穴惴惴其慄彼蒼者天殲我良人如可贖兮人百

其身ソノミタ○交交黃鳥カウカウワウ止于桑ソノクニ誰從穆公子コウニシ車仲行シマウカウ維此仲行コトコト
百夫ハクフニ之防臨其穴アツク惴惴其慄ソノソノ彼蒼者ソノソノ天殲我良人ソノソノ如可贖ヘクハ
兮人百其身ヒトモニヤソノミタ○交交黃鳥カウカウワウ止于楚ソノソノ誰從穆公子コウニシ車鍼虎シマウカウ維
此鍼虎コトコト百夫ハクフニ之禦臨其穴アツク惴惴其慄ソノソノ彼蒼者ソノソノ天殲我良人ソノソノ
如可贖兮人百其身ヘクハハカアアヒトモニヤソノミタ

黃鳥三章章二句

駢彼晨風イタハカノミン鬱彼北林フクウツタルカノホク未見君子リスサセハ憂心ミクニ欽欽イウシン如何如何キンクダリ忘我イカン
實多シツニヲシ○山有苞櫟ヤマニハアリホウレキヤニハアリ隰有六駮ホクサレハ未見君子ミクニ憂心イウシン靡樂ナシクシ如何如
何忘我實多カンワスルイワラシシニマシ○山有苞棣ヤマニハアリホウ隰有樹檉サニハ未見君子クニシ憂心イウシン如醉
如何如何忘我實多ワスルイワラシシニマシ

晨風三章章六句

豈曰無衣イナフナシトコロモ與子同袍シマシマ王于興師コニマシ修我戈矛シマシマ與子同仇ヨシマシ○豈
曰無衣イナフナシトコロモ與子同澤シマシマ王于興師コニマシ修我矛戟シマシマ與子偕作トモニタシ○豈
曰無衣イナフナシトコロモ與子同裳シマシマ王于興師コニマシ修我甲兵シマシマ與子偕行トモニタシ

無衣三章章五句

我送舅氏ワレヲクツテキウシラ曰至渭陽コニニイタルイ何以贈之コニニマシ路車乘黃シマシマ○我送舅氏ワレヲクツテキウシラ
悠イウレメワレ我思ワレヲモフナシ何以贈之コニニマシ瓊瑰玉佩キョウクワイキョクハク

渭陽二章章四句

於我乎ラケルワレニ夏屋渠渠カクキョクキョク今也每食コトニケラフナシ無餘アマリア于嗟乎ズツガ不承ケン權輿ヨニ

權輿二章章五句

陳一之十二

子之湯兮宛丘之上兮洵有情兮而無望兮○坎其擊鼓
宛丘之下無冬無夏值其鷺羽○坎其擊缶宛丘之道無
冬無夏值其鷺翮

宛丘三章章四句

東門之枌宛丘之榭子仲之子婆娑其下○穀旦于差南
方之原不績其麻市也婆婆○穀旦于邁越以嚴邁視爾
如萩貽我握椒

東門之枌三章章四句

衡門之下可以棲遲泌之洋洋可以樂飢○豈其食魚必
河之魴豈其取妻必齊之姜○豈其食魚必河之鯉豈其
取妻必宋之子

衡門三章章四句

東門之池可以漚麻彼美淑姬可與晤歌○東門之池可
以漚紵彼美淑姬可與晤語○東門之池可以漚菅彼美
淑姬可與晤言

東門之池三章章四句

東門之楊其葉牂牁昏以為期明星煌煌○東門之楊其
葉肺肺昏以為期明星晢晢

東門之楊二章章四句

墓門有棘斧以斯之夫也不良國人知之知而不已誰昔
然矣○墓門有梅有鴉萃止夫也不良歌以訊之訊予不
顧顛倒思予

墓門二章章六句

防有鵲巢邛有旨苕誰俯予美心焉切切○中唐有甍邛
有旨鵲誰俯予美心焉惕惕

防有鵲巢二章章四句

月出皎兮佼人僚兮舒窈窕兮勞心悄悄兮○月出皓兮佼
人劬兮舒憂受兮勞心慄慄兮○月出照兮佼人燎兮舒夭
紹兮勞心慘兮

月出三章章四句

胡爲乎株林從夏南匪適株林從夏南○駕我乘馬說于
株野乘我乘駒朝食于株

株林二章章四句

彼澤之陂有蒲與荷有美一人傷如之何寤寐無爲涕泗
滂沱○彼澤之陂有蒲與藺有美一人碩大且卷寤寐無
爲中心悄悄○彼澤之陂有蒲菡萏有美一人碩大且儼
寤寐無爲輾轉伏枕

澤陂三章章六句

檜一之十三

羔裘逍遙孤裘以朝豈不爾思勞心忉忉○羔裘翩翩狐裘在堂豈不爾思我心憂傷○羔裘如膏日出有曜豈不爾思中心是悼

羔裘三章章四句

庶見素冠兮棘人樂樂兮勞心博博兮○庶見素衣兮我心傷悲兮聊與子同歸兮○庶見素韠兮我心蘊結兮聊與子如一兮

素冠三章章三句

隰有萋楚猗猗其枝天之沃沃樂子之無知○隰有萋楚猗猗其華天之沃沃樂子之無家○隰有萋楚猗猗其實天之沃沃樂子之無室

隰有萋楚三章章四句

匪風發兮匪車偈兮顧瞻周道中心怛兮○匪風飄兮匪車嘒兮顧瞻周道中心弔兮○誰能亨魚漚之釜鬻誰將西歸懷之好音

匪風三章章四句

曹一之十四

蜉蝣之羽衣裳楚楚心之憂矣於我歸處○蜉蝣之翼采采衣服心之憂矣於我歸息○蜉蝣掘閱麻衣如雪心之憂矣於我歸說

蟋蟀三章章四句

彼候人兮何戈與祓彼其之子三百赤芾○維鷓在梁不濡其翼彼其之子不稱其服○維鷓在梁不濡其味彼其之子不遂其媾○蒼兮蔚兮南山朝隴婉兮變兮季女斯飢

候人四章章四句

鳴鳩在桑其子七兮淑人君子其儀一兮其儀一兮心如結兮○鳴鳩在桑其子在梅淑人君子其帶伊絲其帶伊絲其弁伊騏○鳴鳩在桑其子在棘淑人君子其儀不忒其儀不忒正是四國○鳴鳩在桑其子在榛淑人君子正是國人正是國人胡不萬年

鳴鳩四章章六句

冽彼下泉浸彼苞稂愴我寤嘆念彼周京○冽彼下泉浸彼苞蕭愴我寤嘆念彼京周○冽彼下泉浸彼苞著愴我寤嘆念彼京師○芃芃黍苗陰雨膏之四國有王郇伯勞之

豳一之十五

七月流火九月授衣一之日躋發二之日栗烈無衣無褐何以卒歲三之日于耜四之日舉趾同我婦子饁彼南畝田峻至喜○七月流火九月授衣春日載陽有鳴倉庚女執懿筐遵彼微行爰求柔桑春日遲遲采芣苢祁祁女心傷

悲殆及公子同歸○七月流火八月萑葦蠶月條桑取彼

斧斨以伐遠揚猗彼女桑七月鳴鵙八月載績載玄載黃

我朱孔陽為公子裳○四月秀麥五月鳴蜩八月其穫十

月隕擇一之日于貉取彼狐狸為公子裘二之日其同載

績武功言私其縱獻豨于公○五月斯螽動股六月莎雞

振羽七月在野八月在宇九月在戶十月蟋蟀入我牀下

穹窒熏鼠塞向墜戶嗟我婦子曰為改歲入此室處○六

月食鬱及薁七月亨荼及菽八月剝棗十月穫稻為此春

酒以介眉壽七月食瓜八月斷壺九月叔苴采荼薪樗食

我農夫○九月築場圃十月納禾稼黍稷重穰禾麻菽麥

嗟我農夫我稼既同上入執宮功晝爾于茅宵爾索綯亟

其乘屋其始播百穀○二之日鑿冰冲冲三之日納于凌

陰四之日其蚤獻羔祭韭九月肅霜十月淅場朋酒斯饗

曰殺羔羊躋彼公堂稱彼兕觥萬壽無疆

七月八章章十一句

鷓鴣鷓鴣既取我子無毀我室恩斯勤斯鬻子之閔斯○

追天之未陰雨徹彼桑土綢繆牖戶今女下民或敢侮予

○予手拮据予所持荼予所蓄租予口卒瘁曰予未有室

家○予羽譙譙予尾緜緜予室翹翹風雨所漂搖予維音

嗷嗷

鴟鴞四章章五句

我徂東山惓惓不歸我來自東零雨其濛我東曰歸我心
 西悲制彼裳衣勿士行枚蝓蝓者蠋烝在桑野敦彼獨宿
 亦在車下○我徂東山惓惓不歸我來自東零雨其濛果臝
 之實亦施于宇伊威在室蠨蛸在戶町疇鹿場熠熠宵行
 不可畏也伊可懷也○我徂東山惓惓不歸我來自東零
 雨其濛鸛鳴于垤婦嘆于室洒掃穹窒我征聿至有敦瓜
 苦烝在栗薪自我不見于今三年○我徂東山惓惓不歸
 我來自東零雨其濛倉庚于飛熠燿其羽之子于歸皇駸
 其馬親結其縢九十其儀其新孔嘉其舊如之何

東山四章章十二句

既破我斧又缺我斨周公東征四國是皇哀我人斯亦孔
 之將○既破我斧又缺我鍬周公東征四國是吡哀我人
 斯亦孔之嘉○既破我斧又缺我鍬周公東征四國是適
 哀我人斯亦孔之休

破斧三章章六句

伐柯如何匪斧不克取妻如何匪媒不得○伐柯伐柯其
 則不遠我遘之子籩豆有踐

代柯二章章四句

九罭之魚鱗魴我覩之子衮衣繡裳○鴻飛遵渚公歸無

所於女信處○鴻飛遵陸公歸不復於女信宿○是以有
衮衣兮無以我公歸兮無使我心悲兮

九罭四章一章四句三章章三句

狼跋其胡載疐其尾公孫碩膚赤舄几几○狼疐其尾載
跋其胡公孫碩膚德音不瑕

狼跋二章章四句

詩經上終

